

Sorvisc ai Jogn/1: lasciu alessi che al ven ciamó motü lapró en n'edema dal "Isté deboriada" a La Pli. L'edema gnará fata dai 14 ai 18 de agost. Por plü informaziuns y iscriziuns cherdé sö te Sorvisc ai Jogn, ☎ 0474 523070, dal lönesc ala jöbia dales 8:00 ales 12:00 y dales 13:00 ales 17:00,

Sorvisc ai Jogn/2: le Sorvisc ai Jogn Val Badia adöm ala Uniun dal teater da La Val Ves invieia der bel ales representaziuns dal toch de teater con musiga te cater lingac "atramënter - same same but different". La premiere sará en sabeda, ai 5 d'agost ales 21:00 tal Salf Domëne Moling a La Val. Emplü gnará le toch mostré en domegna, ai 6 d'agost ales 20:00 y en dedemesaledema, ai 9 d'agost ales 21:00.

Conzert sacral: en vendres ai 4 d'agost ales 21:00 tla dlijia da La Val, con le Cor de Dlijia y orchestra, direziun Elio Clara, orghe Manuel Schiabello. Düc é enviés.

Grup Decanal: dertan l'edema dai jogn 2017, co sará dai 27 d'agost ai 2 de setember, vegnel endò organisé la sabeda ai 2 de setember la prozesciun da Oies a Porsenú. Informaziuns plü avisa gnará dades plü ennant.

Avis: l'aministrazion dla Ciasa de Palsa "Ojöp Frëinademetz" forma na graduatoria por titui y ejams por cöstes inciaries a tomp determiné: **assistent/a aministrativ/a** (6. cualifica funziunala) a tomp parzial 76,32%. Condiziuns d'azes: diplom de madoranza o ecuivalent; atestat de trilinguism "B". Al pó tó pert aspiranc/antes dal grup linguistich ladin. La graduatoria formada ará la dörada de 1 ann. I/les aspiranc/antes messará dé dant plü avisa tla domanda de ester diponibli/es por enciaries a tomp determiné (de cörta dörada) a tomp parzial. Les domandes sön cherta sciompla con i documënc messará gní presentades te scretariat dla Ciasa de Palsa anter les 12:00 dai 31 de iuli 2017. D'atres informaziuns é da ciagé te secretariat, ☎ 0474 524700.

Informaziun: le sorvisc da tó jö sanch y le sorvisc aministratif (Krankenkasse) tal distret sozio-sanitar a Piculin é endo daverc: le sorvisc aministratif lönesc, dedemesaledema y vendres dales 09:30 ales 12:45 (cösc orar resta cina la fin de setember), le sorvisc da tó jö sanch lönesc, dedemesaledema y vendres dales 07:45 ales 08:30.

Comun de Mareo: al ven lascé alessi che la proscima edema, dai 31 de iuli cina ai 4 d'agost dales 8:00 ales 15:00, pó düc chi co é interessés jí tla scora mesana a se chirí fora scagns.

öt le bun a:	Sr. Arcangela, Maria Comploj, Arco	01.08.1924
	Anna Rindler, Bornech	02.08.1934
	Fonjo Willeit, Maran	02.08.1934
	Jan Rigo	03.08.1932
	Carolina Costa ved. Ellecosta, Valdaora	04.08.1929
	Lois Trebo, Badia	04.08.1935
	Angelo Ellecosta	05.08.1925
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



VAL BADIA
www.unitepastorala.org

Sapionza y ligreza

1 Resc 3, 5.7-12 | Rom 8, 28-30 | Mt 13, 44-52

Dal Vangelo do San Mateo:

Te chel tomp ti á Gejú dit ala meja: ⁴⁴Con le regn dal ci éra desco con n tesur co ea ciaé ete te n ciamp. N el ea roé lapró, mo al l'á endò ciaé ete. Te söa ligreza él jü a vene döt ci ch'al á, y á cumpré le ciamp. ⁴⁵Con le regn dal ci éra ince desco con n marciadent co chirí de beles perles. ⁴⁶Canch'al á albü ciagé na perla der preziosa, ál vonü döt, ci ch'al á, y l'á cumprada. ⁴⁷Con le regn dal ci éra ince desco con na rei ch'an á sciüré tal mer por pié de vigne sort de pesc. ⁴⁸Canch'ara ea plena, l'á i peiapesc trata sön spona, ai s'á sonté, á chirí fora i bogn pesc y i á motü te cesc, mo i stlec ái sciüré demez. ⁴⁹Ensciö sarára ince ala fin dal monn: Al gnará i angeli y cernará i ri dai iüsc ⁵⁰y i sciürará tal furn liron. Danló tirará ürli y rotará i donz. ⁵¹Eise capí döt cösc? Ai á respognü: Scê. ⁵²Spo ti ál dit: Vigne stüdié dla Scritöra, co é diventé n discepul dal regn dal ci, ti someia a n patrun de ciasa co tól fora de so avei rich cosses nées y cosses vedles.

I ponsun do

*Co ciacunse pa la fortüna de nosta vita?
Él i scioldi? Le suzes? La potenza? Gejú
nes mostra tres söa parora y söa vita, tan
atratif che le monn nö de Chelbeldio é.
Chel co é bun da odei cösc monn, fej
alado ch'al pói ince el to pert. La ligreza
co nasc denfora döra por dagnora.*

I periu

*Beldio, te to Fi ál motü man to regn.
Emplescesse con ligreza deach'i podun
vire te cösc regn. Por Crist nosc Signur.*

Wilhelm Egger "Sonntagsbibel"




Letöres dla Festa dla Trasfiguraziun dal Signur:
Dan 7,9-10.13-14 | 2 Pire 1,16-19 | Mt 17, 1-9

Edema liturgica dai 30.07. ai 06.08.2017

DOM 30. 08:30	17. domegna ia por l'ann <i>Pire Crisologo, Ingeborg, Beatrix</i> gran messa por dōta la ploania, benedisciun dal tomp <i>oferta por i debojügn dla ploania</i>
► 11:45 10 y 18	sön „Fontanes“ dal Tistler s.m. do int. dla Joneza y dles families <i>s.m. a Al Plan</i>
Lön 31. 07:30	<i>Ignazio da Loyola, Germanus, Hermann</i> <i>s.m. a Al Plan</i>
Ded 01. 07:30	<i>Alfonjo Maria da Liguori, Petrus Faber, Ulrich</i> s.m. por + Maria Pedevilla ved. Morlang, Parü s.m. en onú de San Padre Pio da Pietralcina
Dem 02. 18:00	<i>Scebio, Petrus J. Eymard</i> <i>s.m. a Al Plan</i>
Jöb 03. 19:30	<i>Lidia, Benno - de d'oraziun do vocaziuns</i> s.m. d'aniversar por +ti Iudita y Carlo Pedevilla, Cianoré s.m. por +ti Angelo y Nazio Erlacher, Cargá s.m. de ringraziament dles families Ploner, Flô
Ven 04. ► 18:45 19:30	pröm vendres - Jan Maria Vianney (curat d'Ars), Friedrich signor ploan va a proveder poscibilitè da se pissié s.m. por + Jep Palfrader, Mone s.m. de ringraziament y de suplica, funziun al Sacher Cör
Sab 05. 07:30	<i>Segra dla Basilica Santa Maria Maggiore, Maria dla Nei, Oswald</i> s.m. por +ti Frontull de Mareo s.m. por + Milia Kastlunger, Alnei
DOM 06. 08:30 10 y 18	Festa dla Trasfiguraziun dal Signur - la Porziuncola <i>Gilbert</i> gran messa por dōta la ploania, <i>oferta por i debojügn dla ploania</i> devoziun a Santa Maria y benedisciun dal tomp <i>s.m. a Al Plan</i>
<i>ampola:</i>	por la fam. de Hilda Erlacher, Tomele
<i>ministronc:</i>	► da doman y domegna: Emilie Rigo y Angela Santolini ► da sera y domegna: Jan Burchia y Samuel Rigo
<i>i recordun:</i>	Notburga Kehrer ved. Zanmichieli, <i>Ciadura</i> + 02.08.2012 Carlo Pedevilla + 03.08.2007 Franz Ploner, <i>Schenna</i> + 04.08.2008

La storia dla creaziun, cuntada ai mituns (5)



Chelbeldio ti á spo endô ciaré plü avisa ala tera. Les plantes ea ben tan beles, mo ares ne ti sâ nia vies assá. Ares stea entres tal medemo post; ares se nainâ ben iaica tal ont, mo ares n'ea nia bones da balé, da trá salc y gnanca da trá n salt t'ega.

Chelbeldio se ponsâ: „I á ciamó engröm d'atres idees desche vita pó ester.“ Y al á dit: „Tal'ega dessel ester trep movimont.“ Y porchel ál cherié en gröm de sorts de pesc: le tono bel toch, i bi gran scuali, la forela dal anterbanch dai plü bi corusc. Y düc chisc nodâ tal mer adöm ales balenes y ai delfins.

Lapró êl ciamó gnü engröm d'atri tiers co viea t'ega: foches, tartarughes, scgnecores, steres y ciavai dal mer. Chelbeldio â tan de bones idees. Val tiers che al â cherié ea tan pici che an n'ea gnanca bogn da odei ma con l'edl. Chelbeldio ti ô ince bun ales pices cosses y a cheres ascognüdes.



Vita de ploania y de paisc



Lascede gní da me i mituns; no ti al impide! Deache de chi, co é desco chisc, é le regn de Dio. (Mc 10, 14)

Chelbeldio á tut sö tla schira de sü angeli picia **Alessia Ritsch** (* 21.7.2017, + 21.7.2017). I ti aodun ai geniturs Patrizia y Jan Paul forza y coraji y ince ligreza da creie che Alessia sará por söa familia na gran interzessuria dan da Chelbeldio!

○ **Iolan dl'oferta de San Cristofe: 955,93 €**

○ **Iolan dles ofertes en recort de + Jep Palfrader, mone:** por la dlijia Paul Palfrader, KVV, Mene Erlacher, Anna Palfrader (Nena), Elisabeth Agreiter, Anton/Anna Hochwieser, Zilia Agreiter, Maria Agreiter, Gertrud Ellecosta, Tresele Palfrader, Jep/Helene Ellecosta, Jep Agreiter, families Damez; por la Strada/der Weg Paul Palfrader; emplü él ciamó gnü paíé santes messes.

○ **Iolan dles ofertes en recort de + Pasquale Winkler:** por la dlijia Giovanni Complojer, fam. Trebo/Val, fam. Rosa Winkler, Tone dal För, Gustl Winkler y families, Elmar Winkler, Hubert y Marta Ploner, Rosa Trebo/Zelé; por la Südtiroler Krebshilfe Hubert y Maria Feichter; emplü él ciamó gnü paíé santes messes.

• **La Musiga d'La Pli** envieia al **concert en vendres ai 4 d'agost** ales 21:00 sön pavillon o, sce al ess da ester bor tomp, te Ciasa dles Uniuns.